

Miercus 7
S. Colman v.

Sabide 10
B. Diane

Martars 13
S. Antoni di Padue

Il proverbi
Nol è imprest che, timp o tart,
nol vegni impâr



Il soreli
Ai 7 al jeve aes 5.14
e al va a mont aes 20.57

Joibe 8
S. Medart

Domenle 11
Ss. Trinitât

Il timp
Sbalçs di temperature
e timp variabil

Lis voris dal mès
Se o vès un cjanton libar tal ort,
plantait savòrs, lavande, mente,
basili, camamile



La lune
Ai 9 lune plene

Vinars 9
S. Efreim diacon

Lunis 12
S. Gaspar

la GNOVE

DOMANDIS DENTRI DAI 26 DI JUGN In Arlef, servizi civil par furlan

Ai 26 di Jugn, aes 2 daspomisdi, al scjât il tiermin par candidâsi a fâ il servizi civil te Agjenzie regionâl pe lenghe furlane. I zovins in servizi a saran impegnâts in ativitâts istituzionâls di promoziun de lenghe furlane e a colaboraran cun chei altris components dal grup di vore de Agjenzie in funziun dai progjets di promoziun che a saran ativâts vie pal an. A saran presints in events specifics, a colaboraran ae creazion e ae difusion di gnûf materiâl informatif cu lis lôr ideis e propuestis e a saran di supuart aes iniziativis che a podaran jessi inviadis de Arlef dilunc dai mès. A puedin partecipâ ae selezion i citadins europeans, oms e feminis che, ae date di presentazion de domande, a vedin finît 18 agns e no vedin passât i 28. In particolâr, si domande la cognossince de lenghe furlane, cognossincis informatichis di base, buinis capacitâts di comunicazion. La sede dal servizi e sarâ chê de Arlef, a Udin e la durade di 12 mès, fin a un massim di 1.400 oris. Ai volontaris ur spiete un assegn mensil di 433,80 euros a net. La domande di partecipazion aes seleziuns, compagnade di une fotocopia di un document di identitât personâl e de schede dai dàts relatîfs ai titui, e larâ indreçade ae Arlef (vie de Prefeture 13, 33100 Udin, tel. 0432/555812). Si pues presentâ dome une domande di partecipazion par un unic progjet di Servizi civil nazionâl, di sielzi tra chei dentri tal bant nazionâl o tai bants regionâi. La domande e podarâ jessi inviade vie Pec ae direzion arlef@certgov.fvg.it; vie raccomandade A/R o consegnade a man. Plui informaziuns, scrivint a: william.cisilino@regione.fvg.it

Di Rualis, Caprive e Aquilee i arlêfs premiâts al concors «Emozions furlanis in viaç pal teritori», inmaneât pe Fieste de Patrie

Velis lis scuclis furlanis

Fruts e fantats si son misurâts su identitât, storie, culture, lenghe, valôrs e tradiziuns

ANCJE I PRINCIPS e lis principessis a fevelin, e a cjantin, par furlan! Lu san ben i fruts de scuclute «Antony D. Liberale» di Rualis di Cividât che indi àn contât la storie di un pâr di lôr tal progjet «Pipins e fruconuts», talmentri originâl e creatif che al à concuistât la jurie dal concors pes scuclis «Emozions furlanis in viaç pal teritori», promovût dal Ufici scolastic regionâl, de Provincie di Udin e de Agjenzie regionâl pe lenghe furlane in ocasion de Fieste de Patrie, celebrade chest an a Sapade. Prin premi, duncje, ae scuclute di Rualis e, te categorie des elementârs, ae scuclute «G. Torre» di Caprive (Istitût comprensif di Cormons) cul lavôr «In viaç cun Zuan», e, te sezion des mediis, ae scuclute «P. Paschini» di Aquilee, che, tal lavôr «I nestri paîs», e à savût contâ la fuarce e la bielesse de citât ancje cjalant i cjantons mancun cognossûts, traviers de lenghe.

In ogni categorie a son stâts segnalâts diviers progjets tra i trente sù par jù che a son stâts presentâts di une vincjine di



scuclis, tra scuclutis, primariis e secondariis di prin grât des provinciis di Udin, Gurize e Pordenon. Fruts e fantats a vevin di fâ des voris (disens, tescj teatrâi, videos, zûcs, progjets multimediâi) su identitât, storie, culture, lenghe, valôrs e tradiziuns. E cussì la mularie si è misurade cuntune vore di realizzaziuns che a àn tocjât la art, la poesie, ma ancje la botaniche (cu la descrizion par furlan des plantis dal puest dal ort botanic di Udin), i zûcs di une volte, il sisteme des rois di Udin. Tai tancj lavôrs presentâts, la lenghe furlane e je stade doprade secont la modalitât Cilil, pal insegnament des diferents disciplinis in-tun contest multilingâl. Une condizion

che e permet al furlan di fâ un salt di cualitât, di jessi codic di comunicazion vif cul so jessi utilizât par esprimi i svariâts contignûts dal savê.

I ricognossiments – in bogns par cuistât materiâl didatic insieme a libris e publicaziuns – a son stâts dàts fûr il prin di Jugn, a palaç Belgrât a Udin, tun Salon dal Consei plen di fruts (*te foto*). Ur à fat i compliments il president de Provincie, Pietro Fontanini: «Il furlan al à un avignî dome se la scuclute si fâs part ative tal motivâ a utilizâ la lenghe furlane, a pandile e, duncje, a difindile. No stait a dismenteâ di fevelâ par furlan, doprait la lenghe furlane».

ERIKA ADAMI



Free e Ulli in Vile Dora

Joibe ai 8 di Jugn, aes 5 daspomisdi, te biblioteche Vile Dora di Sant Zorç di Noiâr a rivin Free e Ulli, il crot inglès e la moscje furlane, pronts a intratignî i frutins di 0 a 3 agns cu lis lôr aventuris e a zuiâ insieme intun laboratori speciâl. I doi personaçs a vegnin fûr dai libruçs scrits di Patrizia Geremia e publicâts de Futura Edizioni di Sant Vit dal Tiliment, in grazie de poie de Agjenzie regionâl pe lenghe furlane, che e à ancje coordinât la presentazion de opere. La jentrade e je sore nuie e, ae fin des ativitâts, e je previodude ancje la mirinde. L'apontament al fâs part de rassegne «Scree/tôrs», inmaneade dal sportel pe lenghe furlane dal Comun di Sant Zorç, adun cu la biblioteche civiche.

Storie de art furlane in lenghe/113... Il sflandôr de piture dal Sietcent

L CONCRET POLITIC de Republiche di Vignesie si davuelç ae insegne di une des plui gjenerosis stagjons pitorichis, dant une grande man ae evoluzion dal gust european.

Cheste sfloridure si pant ancje te nestre region, che e à dât i nâdai a diviers artiscj di nomee. O tachin cun Luche Carlevarijis (Udin 1663-1730), ancje se al à lassât la nestre tiere une vore zovin, ma par altri al è stât simpri tacât a lis sôs lidris. Carlevarijis si è educât a Rome, ma al è a Vignesie che lui al buris fûr la tematiche des vividus topografichis, tal gjenar dal paisaç, e des incisions. Tornant a Udin di pasaç, al piture la plante prospetive di Udin che e je tal museu civic, un autentic incunabul dal 1690 sù par jù.

Il pari de piture dal Sietcent venezian al è Sebastian Ricci (1659-1734), in regjon di lui o vin une desene di oparis, che lis cjatìn tal museu civic di Udin e di Triest, intune racuelte private di un udinês e une altre a Pordenon (*te foto, la alegorie des arts*). Tal cuadro «Pan e Apollo cul re



Mida» te colezion pordenonese, l'artist al passe lis propuestis de senografie barocche cuntune finece za rococò. Cul si sint paron dai imprescj espressifs cuntun morbin impertinent e disinvolture, si viôt la tastiere imboreçade che e gote incedade di lûs e si viôt la pinelade sigure e smaltose, une zirandule di smalts prezios e di faliscjisc sclendaris, metudis cuntun snait istintif e cuntun mût di piturâ impetuôs e sensuâl, tant che un Rubens. Te curinte dai pitôrs clariscj,

Zuan Antoni Pelegrini (1675-1741) al jere la guide e al da un contribût une vore impuartant. Tra il 1728 e il 1729 al piture la cupule e lis velis dal Domo di Sant Denêl, par altri cuviertis di une sblancjate tal 1820. Tal modelut di Didone e Enea di una racuelte private, o vin il prin clariment fantastic dal teme. La sostance pitoriche e je tant che un impast infogât e ferbint, che al sclipigne faliscjisc e al trasude vapôrs.

BEPI AGOSTINIS

Porte, cancelli e inferriate

Tra i prodotti forniti dall'azienda trovate: porte blindate, basculanti, cancelli scorrevoli e a scomparsa, inferriate in ferro e grate di sicurezza.

Finestre in PVC e alluminio

La ditta Strut-fer è a disposizione per sopralluoghi e preventivi gratuiti. Se siete interessati a cambiare le finestre della vostra casa e a optare per sistemi in PVC e alluminio, che garantiscono facile pulizia, durata nel tempo e risparmio energetico, contattate gli uffici.

Facciate continue

La ditta, specializzata anche nella realizzazione di facciate continue, mette a vostra disposizione la sua professionalità nella lavorazione dei vari materiali per soddisfare ogni vostra esigenza.

STRUT-FER sas Via Martignacco, 27
Colloredo Di Prato - 33037 Pasiàn Di Prato (UD)
Tel. 0432 662015 | delforno@strut-fer.191.it